



XM 2018/19

24/5-2018

Randi Vestergaard Evaldsen

Kalaallit Nunaanni sulisilluni ajoqusersinnaanermut isumannaarineq pillugu inatsisip allangortinneqarnera pillugu Namminersorlutik Oqartussat oqaaseqaatissaat pillugu Inatsisartut aalajangiiffigisassaattut siunnersuut. (Utoqqalinersiuteqalernissamut ukiut qaffakkiartortinneqarnissaasa malitsigisaanik allannguut)

(Aatsitassanut, Suliffeqarnermut Nunamullu Namminermut Naalakkersuisoq)
(Siullermeenera)

Utoqqalinersiaqarnerup aaqqissuunneqarnissaata kinguneranik utoqqalinersiuteqarfiusartut ukiui qaffanneqarput 65-iniit 66-inik ukioqalernermut aammalu 1. januar 2021-imiit utoqqalinersiuteqarfiulersartut qaffaqqinneqassallutik 67-inut.

Pitsaasutut isigivarput sulisilluni ajoqusersinnaanermut isumannaarineq pillugu siunnersuummi uani siunnersuutaammat taarsigassarsiat “utoqqalinersiuteqalertussatut ukioqalernissap” tungaanut akilerneqartassasut, apeqqutaatinnagu ukiut suut utoqqalinersiuteqarfiulertassanersut. Maannakkut malittarisassat naapertorlugit ukiut 65-nut aalajangersarneqarnikuupput.

Innuttaasut inatsisitigut isumaannaatsuunissaat Demokraatinut pingaaruteqarpoq aammalu qularutissaanngilaq iliuseqanngikkutta inuit ilaat ikiorneqarsinnaajunnaassasut. Tamanna tunngavigalugu siunnersuut ilalerparput innersuullugulu Inuutissarsiornermut Ataatsimiititaliamut.